

# Powšitkowne WOZJEWJENJA

njedźelu, 25. měrca 2018

## Přiležnosć k swjatej spowědži w Róžeńće

póndźelu, 26. měrca 18.30 – 19.30 hodž.	farar M. Nawka, farar T. Dawidowski, farar G. Nawka, farar J. Magiera
wutoru, 27. měrca 18.30 – 19.30 hodž.	farar M. Anders, farar D. Dzikiewicz, farar G. Wornar, farar St. Börner

Přeco sobotu je do Božeje mše za lud a kraj, kotraž so we 8 hodž. zahaji, přiležnosć k swjatej spowědži.

## Młodžina kroči po křižowym puću

Serbscy młodostni budu bołmončku, 25. měrca, w Rablicach zhromadnje stacije křižoweho puća rozpominać. Započatk je w 14 hodž. w cyrkwi. Přizamknje so swaćina. Wšitcy su wutrobnje přeprošeni.

## Zhromadny dzeń za 5.a 6. lětnik

Dekanatne dušepastyrstwo přeprošuje šulerki a šulerjow 5. a 6.lětnika štwórtk, 5. apryla, wot 9 do 15 hodž. pod temu „Jutrowne symbole“ do Don Boskoweho domu we Worklecach. Zajimcy njech so prošu hač do srjedy, 28. měrca, pod telefonowym čislom (03 57 96) 88 707 abo přez mailku worklecyc-kise@gmx.de přizjewja. Za wudawki dnja zběra so wobdžělnski přinošk we wysokosci štyrjoch eurow.

## Spominanje na Jurja Delenka

Składnostnje 100. posmjertnin duchowneho a redaktora Katolskeho Posoła Jurja Delenka budže so štwórtk, 11. apryla, na njeho w Baćonju spominać. Započatk je w 19.30 hodž. z Božej mšu. Po tym přeprošujetej Towarstwo Cyrila a Metoda a Baćońska wosada wšitkich na faru.

## Klepotawki na předań

Blidar Pětr Handrik z Worklec poskićuje klepotawki, zo by so klakanjebiče wulki pjatk a swjatu sobotu wot džěći dale pěstować móhlo. Zajimcy měli so pola njeho přizjewić, telefonowe čislo (03 57 96) 96 575.

